



Canllaw i ganlyniadau UG a Safon Uwch

Mehefin 2019

Cynnwys

| | | |
|----|---|---|
| 1 | Diwrnod y Canlyniadau | 3 |
| | i) Casglu Canlyniadau Arholiadau | 3 |
| | ii) Beth i'w ddisgwyl | 3 |
| | iii) Sut mae'r slip yn dangos y canlyniadau? | 3 |
| | iv) Symbolau a ddefnyddir ar slip canlyniadau..... | 3 |
| 2. | Deall canlyniadau..... | 4 |
| | i) Esbonio graddau | 4 |
| | ii) Esbonio marciau..... | 4 |
| | iii) Sut mae marciau'n cael eu trosi'n raddau | 4 |
| 3. | Ffiniau Graddau | 4 |
| 4. | Beth i'w wneud os yw ymgeisydd am wneud ymholiad am ganlyniad | 5 |
| 5. | Pryd bydd tystysgrifau ar gael? | 5 |
| | Atodiad 1 – Enghraifft o slip canlyniadau TAG | 6 |

1 Diwrnod y Canlyniadau

i) Casglu Canlyniadau Arholiadau

Rhaid i ymgeiswyr gasglu eu canlyniadau arholiadau o safle eu hysgol neu goleg, fel arfer ar ddiwrnod cyhoeddi canlyniadau swyddogol y cymwysterau y maent wedi eu sefyll.

Yn 2019, bydd y canlyniadau'n cael eu cyhoeddi **Ddydd Iau, 15 Awst**.

Nid yw CBAC yn gallu darparu na thrafod canlyniadau dros y ffôn na drwy gyfathrebu ar e-bost ag ymgeiswyr neu rieni, hyd yn oed os yw'r ysgol neu'r coleg wedi cau. Dylai ymgeiswyr, felly, wirio â'u hysgol neu goleg pryd a ble y bydd canlyniadau ar gael i'w casglu a sut a gyda phwy y gallent drafod unrhyw faterion neu bryderon.

ii) Beth i'w ddisgwyl

Ar ddiwrnod y canlyniadau, bydd ymgeiswyr yn derbyn darn o bapur gyda'u canlyniadau arno. Os yw ymgeiswyr wedi sefyll cymwysterau gyda byrddau arholi gwahanol, gallan nhw dderbyn mwy nag un slip canlyniadau, neu gall yr ysgol neu goleg greu un slip sy'n dangos yr holl ganlyniadau gyda'i gilydd.

Canlyniadau rhagarweiniol yw'r rhain ar hyn o bryd; gall fod newidiadau yn hwyrach ymlaen, er enghraifft, yn dilyn Adolygiad o'r Marcio neu'r Cymedroli.

iii) Sut mae'r slip yn dangos y canlyniadau?

Bydd slipiau canlyniadau yn dangos canlyniadau ymgeisydd o bob pwnc/cymhwyster a safwyd ganddo yn ystod y gyfres arholiadau honno.

Bydd slipiau canlyniadau'n dangos marc unffurf (GMU) a gradd gyffredinol ar gyfer y pwnc, ar yr amod fod y pwnc wedi'i gyfnewid i'w agregu, yn ogystal â marc unffurf (GMU) a gradd ar gyfer pob uned. Os disgwylir gradd gyffredinol nad yw wedi'i chynnwys ar y slip canlyniadau, dylai'r Swyddog Arholiadau yn y ganolfan wirio bod cofrestrriad cyfnewid wedi'i wneud.

iv) Symbolau a ddefnyddir ar slip canlyniadau

Yn ogystal â graddau a marciau, gall slipiau canlyniadau gynnwys symbolau eraill:

Mae **X** yn dangos nad yw canlyniad yn cael ei gyhoeddi oherwydd absenoldeb yr ymgeisydd ar gyfer pob cydran/uned. Mae'n bosibl hefyd y penderfynwyd peidio â chyhoeddi canlyniad. Ni fydd unrhyw bwnc ag (X) yn ymddangos ar y dystysgrif.

Mae **Q** yn dangos bod canlyniad i ddod neu ddim ar gael ar hyn o bryd.

Rhoddir y dangosydd hwn nesaf i'r radd gyffredinol os yw'r ymgeisydd wedi cwblhau gwaith ar gyfer rhai, ond nid pob un, o gydrannau neu unedau'r pwnc.

Gweler atodiad 1 am enghraifft o slip canlyniadau.

2. Deall canlyniadau

i) Esbonio graddau

TAG (Safon Uwch)

Adroddir graddau pynciau gradd unigol fel A*-E (gradd A*yw'r uchaf).

Rhoddir A* i ymgeiswyr sydd wedi ennill gradd A yng nghymhwyster cyffredin Safon Uwch ac sydd hefyd wedi cyflawni 90% o uchafswm y marciau unffurf ar agregiad eu hunedau U2.

Adroddir canlyniadau'r pynciau Safon Uwch Dwyradd ar raddfa 11 gradd: A*A*, A*A, AA, AB, BB, BC, CC, CD, DD, DE, EE. Bydd ymgeiswyr y mae lefel eu cyrhaeddiad yn is na'r safon isaf sy'n ofynnol yn derbyn canlyniad annosbarthedig (U).

TAG (UG)

Adroddir canlyniadau'r pynciau gradd unigol fel A – E (A* yw'r uchaf).

Mae canlyniadau Uwch Gyfrannol Dwyradd yn cael eu cyhoeddi ar raddfa naw gradd: AA, AB, BB, BC, CC, CD, DD, DE, EE. Bydd ymgeiswyr y mae lefel eu cyrhaeddiad yn is na'r safon isaf sy'n ofynnol yn derbyn canlyniad annosbarthedig (U).

ii) Esbonio marciau

- **Marciau crai**

Mae cyfanswm marciau crai yn cael ei ddyrannu i bob uned.

- **Graddfa Marciau Unffurf (GMU).**

Yn y manylebau unedol mae marciau crai yn cael eu trosi yn farc unffurf (GMU) i'w ddefnyddio fel dyfais ar gyfer adrodd, cofnodi ac agregu canlyniadau asesu unedau/cydrannau ymgeiswyr. Mae rhagor o wybodaeth ynghylch GMU ar gael fel dogfen ar wahân yma – [TAG](#) ac mae manylion sut i drosi marc crai yn farciau GMU ar [ein gwefan](#).

iii) Sut mae marciau'n cael eu trosi'n raddau

Mewn cymwysterau unedol, cyfrifir gradd gyffredinol y cymhwyster gan adio'r marciau unffurf a enillwyd yn yr unedau unigol at ei gilydd. Mae hyn yn rhoi cyfanswm marciau unffurf i'r ymgeiswyr sy'n trosi yn radd gyffredinol yn seiliedig ar ffin y radd.

3. Ffiniau Graddau

Ffiniau graddau yw'r nifer isaf o farciau sydd eu hangen i ennill pob gradd. Er bod papurau arholiad yn cael eu hysgrifennu i'r un lefel o anhawster, maen nhw yn amrywio bob blwyddyn. Mae ffiniau graddau yn sicrhau bod ymgeiswyr yn derbyn yr un radd ar gyfer yr un lefel o berfformiad, pryd bynnag caiff yr arholiad ei sefyll.

Mae holl gymwysterau UG a Safon Uwch CBAC yn rhai unedol. Mae ffiniau graddau ar gyfer cymwysterau unedol yn aros yr un fath bob blwyddyn ac fe'u cyhoeddir ar lefel pwnc ac uned cyffredinol. Mae'r ffiniau graddau ar gael ar [wefan](#) CBAC.

4. Beth i'w wneud os yw ymgeisydd am wneud ymholiad am ganlyniad

Mae'n bwysig bod ymgeiswyr yn trafod unrhyw bryderon â'u hysgol neu goleg, swyddog arholiadau neu athro fel arfer, a phenderfynu ar yr opsiynau gorau sydd ar gael.

Os teimlir bod gwall, gallai'r ganolfan wneud cais am un neu fwy o'r gwasanaethau ar ôl y canlyniadau a gynigir gan CBAC. Ni all ymgeiswyr mewdol na rhieni wneud cais. Gall ymgeiswyr preifat gysylltu'n uniongyrchol â Gwasanaethau Ar ôl y Canlyniadau CBAC i gyflwyno cais.

Ymhlith y gwasanaethau hyn mae:

- [Dychwelyd sgrïptiau](#) – fersiwn electronig o'r sgrïpt, naill ai fel copi blaenoriaethol cyn gwneud cais am adolygiad o'r marcio neu fel gwasanaeth nad yw'n flaenoriaethol ar gyfer dysgu ac addysgu.
- [Ailwiriad clerigol](#) – ailwiriad o'r holl weithdrefnau clerigol sy'n arwain at gyhoeddi canlyniad yw hwn.
- [Adolygu'r marcio ar ôl y canlyniadau](#) – adolygiad o'r marcio gwreiddiol i sicrhau bod y cynllun marcio y cytunwyd arno wedi'i ddefnyddio'n gywir.
- [Adolygiad o'r cymedroli ar ôl y canlyniadau](#) – noder nad yw hwn ar gael ar gyfer ymgeiswyr unigol.

Am fanylion pellach yn cynnwys ffioedd a dyddiadau cau, edrychwch ar ein tudalen [Gwasanaethau ar ôl y Canlyniadau](#) a'r wybodaeth a gyhoeddir gan y CGC, sydd i'w gweld [yma](#).

Mae'n bwysig nodi y gall marciau aros yr un fath, neu godi neu ostwng, wrth wneud cais am ail-wiriad clerigol neu adolygiad o farcio. Felly, rhaid i ymgeiswyr lofnodi dogfen yn cydsynio i'r cais cyn i ysgol neu goleg ei gyflwyno.

Bydd y canlyniad yn cael ei gyhoeddi yn uniongyrchol gan CBAC i'r ysgol neu goleg, a fydd yna'n trosglwyddo'r wybodaeth i'r ymgeiswyr. **Unwaith y bydd canlyniad wedi'i gyhoeddi, ni ellir adfer y marc gwreiddiol dan unrhyw amgylchiadau, hyd yn oed os yw'r marc newydd yn is na'r marc gwreiddiol**

5. Pryd bydd tystysgrifau ar gael?

Bydd tystysgrifau yn cael eu hanfon i ganolfannau erbyn 7 Tachwedd 2019.

Dylai ymgeiswyr wirio bod eu manylion personol, enw a dyddiad geni, yn gywir ar y slip canlyniadau a rhoi gwybod i'r Swyddog Arholiadau os oes unrhyw wallau. Rhaid i Swyddogion Arholiadau roi gwybod i CBAC am wallau, yn ysgrifenedig, yn ddim hwyrach na 9 Medi 2019. Os na fydd gwallau'n cael eu cywiro yn y cyfnod hwn, bydd cost am dystysgrifau newydd ar ôl eu cyhoeddi. Dylai ymgeiswyr wirio'r trefniadau ar gyfer derbyn eu tystysgrifau gyda'u hysgol neu goleg.

Atodiad 1 – Enghraifft o slip canlyniadau TAG

I bynciau unedol, dangosir marc GMU pob uned a dangosir cyfanswm GMU y pwnc mewn print trwm.

I bob pwnc, dangosir marc crai pob uned neu gydran a dangosir y cyfanswm marciau sydd ar gael mewn

| wjec cbac | | CRYNODEB O'R CANLYNIADAU | | | | |
|----------------------------|--------------------------------------|--------------------------|------------|--------------------------|-----------|--------------|
| | | TAG MEHEFIN 2019 | | | | |
| RHIF Y GANOLFAN 68999 | ENW'R GANOLFAN CANOLFAN BRAWF | | | | | |
| RHIF YR YMGEISYDD 12345 | ENW'R YMGEISYDD ENW CYNTAF CYFENW | | | DYDDIAD GŨNI 01/01/01 | | |
| UCI YR YMGEISYDD | | ULN YR YMGEISYDD | | | | |
| | | | GMU | Papur | Marc | Gradd |
| DAEARYDDIAETH | CYFNEWID UG | 2110CS | 053 | | | U |
| DAEARYDDIAETH UNED 1 | UNED 1 | 2110N1 | 001 | 51:UNED 1 | 001 (096) | u |
| DAEARYDDIAETH UNED 2 | UNED 2 | 2110N2 | 052 | 51:UNED 2 | 036 (064) | c |
| CERDDORIAETH | CYFNEWID UG | 2660CS | 063 | | | U |
| CERDDORIAETH UNED 1 | UNED 1 PERFFORMIO | 2660N1 | 034 | 51:UNED 1 PERFFORMIO | 037 (060) | d |
| CERDDORIAETH UNED 2 | UNED 2 CYFANSODDI | 2660N2 | 024 | 51:UNED 2 CYFANSODDI | 026 (054) | e |
| CERDDORIAETH UNED 3 | UNED 3 ARFANU | 2660N3 | 005 | 51:UNED 3 ARFANU | 008 (072) | u |

Priflythren sy'n dangos canlyniad y cymhwyster, a llythrennau bach sy'n dangos canlyniad yr uned.